



Шогло эл, порымиз да гим берг!

Будь готов/

# ЯМДЕ-ЛИЙ

1933 ий 1 февраль годсек лектеш.

0+



«Ямде лий» газетлан кажне тылзын  
15-ше числа марте возалташ лиеш.

Индекс - П4696.

Рекламе.

«Мардеж дене таңасымаште самокат полша сенаш!» – йывыртен кычкырен, у техникыжым кушкыжын, Марина Степанова тыманмеш кудал колтыш. Александра акаже, поктен шуаш шонен, почешыже куржаш тарваныш (**снимкыште**). Потерей модышысо тунг приз – самокат – Волжский районысо Нурсолашке кудале. Ёдыр-влаклан, мардеж дене таңасен, пикшла

ончыко чымаш ниногой чарак уке. Коктынат спорт дене пенгыде кылым кучат. Телым ече умбаке шогалыт, кенжежым кажне эрдене куржталыт. Адакшым Марина художественный гимнастике дене кылым куча, арняште кок гана бассейншке коштеш. Ача ден ава икшыве-влакым изинек спортлан шуманденыт. Шкештат тале спортсмен улыт, ёдыр-влакат вараш огыл код.

Ача-авам сенгымашышт дене куандарат.

– Авана «Ямде лий» газетлан подпискым эре ышта, – ойлат Марина ден Александра. – Газетын кажне номержым куанен лаштыжлена. Тиде гана тунг приз мыланна логалмым пален налмеке, чот йывыртенна. Авай ден ачайлан кугу таум ойлена!

**Л.ГРИГОРЬЕВА.**

Фотом еш архив гыч налме.

## «Переменыште» каныш уке

«Артек» тўнямбал йоча рўдериште «Большая перемена» всероссийский конкурс иктешленит. Тушко Российын тўрлө регионжо гыч 5-7-ше класслаште тунемше 600 ўдыр-рвезе тушенен. Марий Эл гыч кум тунемше танасен, да коктын сенгышыш лектыныт. Тиде Йошкар-Оласе Бауман лицей гыч Мария Лежнина да Йошкар-Оласе 14-ше номеран гимназий гыч Ульяна Николаева **(снимкыште)**.



Фотом еш архив гыч налме.

– *Ончыкылык школ нерген проектм команде дене ямдыленна: 3D макетым ыштенна, туныктым паша дене палдаренна. Проект искусственный интеллект, робототехнике, программирование дене кылдалтын. Сетьыште лўдыкшыдымылык урок, искусственный интеллектан орол да моло нерген возенна. Кокымшо кечын «Из интроверта в экстраверта» сообществым шонен луктынна. Тиде конкурс мыланна у шинчымашым пөлеклен. Ятыр уста йоча дене палыме лийынна,* – оила Ульяна.

**Х.АЛЕКСАНДРОВА** ямдылен.

## Историйым шергалына

*1 август – Икымше тўнямбал сарыште вуйым пыштыше российскийсе воин-влакым шарныме кече.*

*1914 ий 1 августышто Германий Россия вайтареш сарым тўнгалын.*

*1572 ий 2 августышто князь-влак Михаил Воротинский ден Дмитрий Хворостиннын вуйлатыме руш войска Молоди села воктене татар войскал кырен шалатен.*

## Писын эрта

Кежеж пагытым моткоч йоратем.

Куштылго вургемым чияш, родо-тукым деке унала кош-таш, ужын мутланаш лиеш. Йолташ-влак дене пырля энерышке йўштылаш коштына. Эр гыч кас марте жапым пырля эртарена. Мўнгысў паша нергенат огына мондо: ача-авалан полшена, книгам лудына. Кежеж каникул пеш писын эрта, вашке угыч парт коклашке шинчына.

**Марий Турек посёлко.**

## Российысе увер

23 июль гыч 8 август марте Токио олаште кенезымсе XXXII Олимпийский модмаш эртаралтеш. Спортсмен-влак спортын 33 видше дене танасат. Российын командыже кызытеш 19 медальым (7 шўртнў, 8 ший, 4 той) сенген налын.

Школышто тунемше, студент, туныктышо-влак «Вернём природе чистоту!» всероссийский акцияшке ушнен кертыт. Экологий дене кылдалтше сўрет, шке ыштыме арвер, плакат, почеламут, презентаций-влакым [sen-trideia@mail.ru](mailto:sen-trideia@mail.ru) адрес дене электрон почтыш 31 август марте колтыман.

Школьник-влакын российскийсе толкынышт 12-17 ияш ўдыр-рвезе-влакым «Школьник Таче» всероссийский проектш ушнаш ўжеш. Рдш.рф сайтыште йодмашым пуыман да 5 август марте шке нерген видеом войзен колтыман.

## Марий Элысе увер

«Большие гастроли» федерал проект почеш Э.Сапаев лўмеш Марий кугыжаныш опер да балет академический театрын балет труппыжо Сочи олаште «Лебединое озеро», «Щелкунчик», «Золушка», «Ромео и Джульетта», «Эсмеральда» спектакль-влакым ончыкта.

5-8 ияш ўдыр-рвезе-влак, «Лето без пожаров» республикысе йоча усталык конкурсышто мастарлыкдам ончыктыза. Сўрет-шамычым [mardpo@list.ru](mailto:mardpo@list.ru) адрес дене электрон почтыш 16 август марте колтыза.

«Бендериала-2021» регион-влак коклаше койдарчык да мыскара фестиваль 31 июлышто онлайн эртаралтеш. «Мы к вам заехали на час» видеоролик конкурсым, «Мисс Васюки-2021» фото-конкурсым иктешлат.

«Образование» нацпроектын «Современная школа» регионисо проектше почеш Йошкар-Оласе Бауман лицейыште «Кванториум» йоча технопарк почылтшаш. Марий Элыште – икымше! Тидлан 21,4 миллион тенгем ойырымо. Кызыт ноутбукым, 3D-принтерым, микроскопым, «Умная теплица» наборым да молым налыныт. Тылеч посна биологийым, физиологийым, химийым, физикым келгынрак тунемаш цифровой лабораторийым, интерактивный панельным, фрезер станокым, робототехнике дене наборым пуат.

Марий Эл Республикысе образований да науко министрствын уверже почеш, лицейыште куд кабинетым олмыкташ тўналме. Тушан робототехнике, хай-тек, биотехнологий дене лабораторий-влакым верандат. Айти-квантумым почаш шонат.

*Кванториумысо физике, химий, биологий дене занятийлашке республикысе школла гыч тунемше-влак ушнен кертыт.*

**Увер**  
Кумдан палыме блогер Юрий Дудьын, «Кружок» тунемме проектын да ик фирмын полшымышт дене Марий Турек район Сардаял школышто кызытсе илышлан келшыше футбол пасум ыштеныт. Тылеч посна 12 йочалан футбол формо комплектым пöлекленыт.

*Ю.Дудь «ВДудь» программын «Как просвещение может менять провинцию» передачагытже Сардаял нерген каласкален.*

*10-17 июлышто Марий Эл Республикысе йоча да самырык-влак усталык полатын «Радужный» тунемме рüдершытже «Самырык техник» профиль смене эртаралтын. Тлудо йоча-влакын шанче да технике усталыкыштым вияндымашлан пöлеклалтын.*

**Т у ш к о**  
Марий Турек, Кужанер, Морко, Медведево, Волжский, Юрино, Советский, Шернур, Оршанке районла, Йошкар-Ола да Козьмодемьянск олагыч 7-17 ияш 50 ўдыр-рвезе ушнен. Йошкар-Олаште верланыше Республикысе йоча да самырык-влаклан технике усталык рüдерын тунуктышыжо-влак «Роботым ышташ лиеш», «Авиамоделизм», «Кагазгыч конструирований. Самолетгыч ракете марте», «Мультимедийын негызше да фотофильмым ышты-маш» програм-

## Шанче деке лишкырак



мылам эртареныт.

Сменын вес темыже – сандалык. Кандаш кече жапыште йоча-влак тўнямбалысе да Российысе космонавтыкын историйже, космический станций-влакын пашашт дене палыме лийыныт. Ёдыр-рвезешамыч телескопым, ракетым кö шонен лукмым, Мландын молан тыртыш улмыжым ынде раш палат. Самырык шымлызе-влак вертушкышто, квестыште ушакылыштым тергеныт. Канашат жап пуалтын. Тўнжö – шанче тўня деке лишкырак лийыныт.

**Фотом рüдерын архивше гыч налме.**

### Филворд

|   |   |   |   |   |   |   |   |   |   |   |   |   |   |
|---|---|---|---|---|---|---|---|---|---|---|---|---|---|
| М | Е | Р | И | Р | Ю | Т | Н | Ч | Я | Х | Ч | Я | Ц |
| А | Ю | П | И | Т | Е | Р | Е | З | Е | С | М | П | З |
| Р | Ж | У | М | А | Р | С | П | М | Л | А | Н | Д | Е |
| Л | А | Р | Н | П | Д | Э | Л | А | П | Я | Ш | С | Я |
| У | Т | А | Р | С | А | Т | У | Р | Н | О | З | Ч | Л |
| Р | У | К | Е | Г | И | М | Т | В | Е | Н | Е | Р | А |
| А | Д | В | Ф | Н | Е | П | Т | У | Н | Л | Ы | З | С |
| Н | П | Б | О | М | Е | Р | К | У | Р | И | Й | Т | Ш |

Планете-влакын лўмыштым муза.



Лаштыкым Х.АЛЕКСАНДРОВА ямдылен.

### Палаш огай

«Робот» шомак «robofa» чех мутгыч лектын, «неле паша» манме лиеш. Тиде улылымашым чех серызе Карел Чапек «R.U.R» (1920) пьесыштыже икымше гана кучылтын.





### Талешкым шарныман

Онарым, Акпарсым, Чумбылатым, Болтушым да молымат талешкылан шотлена. Кугу Ачамланде сарыште тыныс илышым аралыше кугезе кочакована-влакымат ты радамышке пуртена. Марий сылнымутым вияндымаште С.Чавайнын, Я.Майоров-Шкетанын, Шабдар Осыпын да молынат надырышт моткоч кугу. Марий-влак коклагыч шуко тале еным палемдаш лиеш. Ме нуным шарнышаш улына. Нунын гай чолга, лүддымө лияш тыршена.

**Наташа ХАМИНА.**  
Морко, Эгерсола.

## Семинар кумылан ден

Вилена ГОРДЕЕВА (снимкыште) дене «Кенез сылнымутчо-2021» литератур семинарыште палыме лийынна. Тудо Параньга район Матародо школын 9-ше классшым тунем пытарен. Марий сылнымутым йоратымыже марий литератур дене районысо олимпиадыште сенымашым конден.

– Олимпиадылан ямдылалтме годым шуко лудынам, лончыленам. Туньктышем Нина Алексеевна Семёновалан кугу таум ойлем. Мыланем Сергей Чавайнын, Яков Майоров-Шкетанын, Олык Ипайын сылнымутлашт келшат. Ты марте изирак жанран произведений-влакым лудынам гын, ончыкыжым роман-шамыч дене палыме лияш шонем. Мыланем поэзий лишыл. Акам Вера Гордеева – поэтессе. Тудат мыйым шижмажда. Семинар деч вара почеламутым ике гыч возаш кумыл шоcho, – ойла Вилена.

**Х.АЛЕКСАНДРОВА.**



ДВЕДЕНЬКИНЫН фотожо.

### «Ончыко» журналлан – 95 ий

❖ 1926 ий 31 июльышто «У вий» журнал он туням ужын.

❖ «Йошкар кече» газетын пашаенже-влак С.Элнет, М.Шкетан, П.Ланов да Э.Савинов журналлан негызым пыштеныт.

❖ Журналын лумжө икмын яргана вашталтын, альманах шотан лектын: «Пиалан илыш», «Родина верч», «Марий альманах».

❖ 1954 ий гыч «Ончыко» лумым нумалеш.

❖ «Ончыко» журналын тун редакторжылан В.Столяров (Юксерн), А.Асылбаев, В.Колумб, Семён Николаев, А.Юзыкайн, А.Тимиркаев ыштеныт.

❖ Кызыт журналын тун редакторжо – самырык поэт Игорь Попов.

**«Ончыко» журналын пагалыме пашаенже-влак!**

Пайрем дене уло кумылын саламлена! Пашаштыда тивыргө лектышым, у сенымашым, усталык шижлышым тыланена. Пиалан да таза лийза.

### Кроссворд

**С.Чавайнын произведенийже-влак почеш**



#### Шола гыч пурлашке:

1.Идалык жап. 5.С.Чавайнын «... тумо» почеламутшо. 7.«Юмо деч ю ...» почеламутшо. 8.Мутмастарын революций деч ончыч возымо почеламутшо. 10.К.Ушинский семын возымо почеламутшо. 11.С.Григорьев фамилий дене тиде произведенийым савыктен. 13.Поэтын «... кочай» почеламутшо. 15.Марий пайрем нерген почеламутшо.

#### Күшыч үлыкө:

1.Совет власть лиймеке веле савыкталтше почеламутшо. 2.Драмыже. 3.1908 ийыште возымо произведенийже. 4.Поэмыже. 6.Кусарыме произведенийже. 1920 ийыште икымше гана савыкталтын. 7.«Пеледыш ...» поэмыже. 9.«Ой, ...» почеламутшо. 12.Икымше почеламутшо. 13.«Сай кутырет, марий ...» почеламутшо. 14.Н.Некрасовын почеламутшылан кельштарыме сылнымутшо.

**В.СМИРНОВ.**



## Чылт марий арня

Киров кундем Кўльмўж район Нурдуваш ялысе книгагудо пашаен Н.П.Гужавина марий йылмым да тўвырам арален кодымаште кугу пашам шукта. Марий йылме да тўвыра арням ий еда эртара (**снимкыште**). Пайремышке йоча-влакым уша.

– *Марий йылме да тўвыра арнян кажне кечыже оңайын да пайдалын эртен. Йоча-влак вынерым куымаш дене палыме лийыныт. Марий тўрын мом ончыктымжым шымленыт. Подкогыльым тўрлаш тунемыныт. Кова-влак кидпаша нерген каласкаленыт.*

*Глоч тўрзатым,  
мўндыр тос!*



Фотом книгагудын архивше гыч налме.

Марий мурым йонгалтареныт да йоча-шамычым мураш кумыланденыт. Пытартыш кечын ўдыр-рвезе-влакым Салика кокай ден Айвика ўдыржў вашлийыныт. «Йыдалым пўрдыктен», «Кол кучен» модыш-влак дене модыктеныт. Йоча-шамыч почеламутым марла каласкаленыт, «Ола чыве» сценкым ончыктеныт, – ойла Нина Петровна.

Икшыве-влак школышто марий йылмым факультатив семын веле тунемыт. Книгагудышто эртарыме марий мероприятий-влак йоча-шамычым марий улмышт дене кугешнаш таратат.

**Х.АЛЕКСАНДРОВА.**

**М**

**Выльык – выньык.**

### Марий улам

Марий улам, марла ойлем,  
Марий улмем ден кугешнем.  
Улам пашаче да чолга,  
Ю пўртўсем мылам полша.

Пашам тыршен ме шуктена,  
Ўзгарым чаплым ыштена.  
Ме мурымат муралтена  
Да веселан кушталтена.

Марий улам, марла ойлем,  
Марий улмем ден кугешнем.  
Ачай-авай дене илем,  
У шинчымашым лын погем.

**Ирина МИХАЙЛОВА.**  
Татарстан, Агрыз, Буймо.

### Кочамын шарнымашыже

Кочам пўртўсым йўратен. Понгым погаш, выньыкашым налаш мыйымат пырля коштыктен. Яндар южышто ожнысо илыш нерген шуко каласкален: «Ожно шочмо кагазыш, аттестатыш марла возеныт. Кызыт марла возымо документым кушто ужат? Марла кутырышо йочажат шагал. Йочам годым кочкыш начар лийын. Нужгыч шўрым шолтымо, понгым коштымо, кишым погымо. Калык икте-весе дене келшен илен. Телевизор лийын огыл. Кастане, ик пўртыштў чумырген, марий сем почеш мурен-куштымо, модмо. Эх, весела жап лийын».

**Алёша ОБОЖИН.**

Свердловск кундем, Нижнесергинск,  
Ялгиян.



**М**

**Кам – шагал.**

*Йоча-влак, могай йомак почеш сўретым кельшитарыме, палыза.*



**Полина МИЛЯЕВАН** сўретше.  
Татарстан, Агрыз, Буймо.

### Чўчўэм – герой

Чўчўэм Радион Георгиевич Асанов – авамын шольыжо. Мый тудым геройлан шотлем. Чўчўэмын 4-ше степенян Георгиевский крестше уло. Кечывалвел Осетийыште пуламыр лийме жапыште службым эртен. Тудым телевизор дене ончыктеныт. Кызыт чўчўэм Ижевск олаште ешыж дене ила. Сварщиклан пашам ышта. Мый туддене кугешнем.

**Александр ТКАЧЕНКО.**

Татарстан, Агрыз, Кадрек.

**М**

Мутерым филологий шанче кандидат  
А.А.ИЛИЕВА ямдылаш полшен.

# Шоһанпыл гай кенезж!

## Сылне жап

Ал кенезж – эн сылне жап:  
Кайык-влак куандарат.  
Эр эрден помыжалтам,  
Шушпык мурым колыштам.

Кынелам мый куанен  
Да уремьшке вашкем.  
Агытан мура эрден,  
Чыве-влакым кожгатен.

Сад-пакчашке ошкылам,  
Ал саскам пеш ончыштам:  
Теве энж ден пуншоптыр,  
Чеверген мемнан шемшоптыр.

Ал кенезж – эн сылне жап!  
Йур чыпча кап-кап, кап-кап.  
Шер теммешке мый канем,  
Уш-акылемым пойдарем.

**Аня АНДРЕЕВА.**  
**Кужангер, Тошто Йүледур.**



Морко  
посёлкысо йоча книгагудын  
пашаенже А.В.Казанцева 1-ше номе-  
ран йочасадыш коштыш кугурак ийготан  
икшыве-влаклан «Кенезжын ямже» пайремым  
пөлеклен (снимкыште). Йоча-влак сүретленит,  
конкурслашке ушненыт, түрлө модыш дене  
модыныт.

**И.АЛЕКСЕЕВАН** фотожо.

*Энйре-  
мышвот*

*кужу гын, ояр  
кужун шога.*

*Кастене тўтыра кандалге –  
оярлан.*

*Калык пале-влак.*

## Изи озавате

## Энжж йогурт

Кенезжым йуштырак кочкышым  
тамлыме шуэш. Тудым шке ямдылаш  
лиеш. Пакчаште энжжым погем, тушко  
умбалым ешарем, сакырым шавалтем.  
Тыге йогурт лиеш. Ах, тамле, йылметым  
нелат! Йоча-влак, теат ыштен ончыза.

**Юля ЯГОДАРОВА.**

**Советский, Кельмаксола.**



## Шокшо

кенезж кечын лумэгерче деч тут-  
лыракше мо уло, ала? А тудыжо кевы-  
тыште могай гына уке! Түрлө түсан, түрлө  
кугытан да түрлө таман! Пошкудо нюга-вла-  
кым иквереш чумырен, тутло сийым пырля  
авызлышна (снимкыште). Тек кенезж канышышт,  
йоча пагытышт поро шарнымашым кодат.

**Л.СЕРГЕЕВА.**

**Морко, Изи Кушна.**

**Авторын фотожо.**



## Лумэгерче келша

Мый кевытыш кошташ пеш йоратем.  
Тушто мо гына уке! Теве Кокласола  
ялысе кевытым налаш. Түрлө модыш,  
кочкыш, вургем, суртышто кучылт-  
паш арвер да моло – чыла уло.  
Мыланем гын мороженный күлеш.  
Кевытыште түрлө лумэгерчым ужа-  
лат. Келшышым ойырен налаш  
лиеш. Мый пломбирым эн чот  
йоратем.

**Полина АЛЕКСЕЕВА.**  
**Морко, Коркатово.**



Эскимо мороженныйым **Палаш онгай**  
Онава олаште (США)

ильше, шере кочкышым ямдылыше  
фабрикын озаже Кристиан Кент Нельсон  
шонен луктын. Тыгай лумэгерчым ышташ  
ик рвезе таратен. Тудыжо мороженный  
ден шоколадым пырля варыман йорварым  
йодын. Нельсоннын тыгай тутло кочкышы-  
жо лийын огыл. 1920 ийыште 25 түжем  
эскимом ужалымашке луктын. Эн ондак  
лумэгерчым «Плитка, заставляющая  
меня кричать» манын лүмден. Варажым  
«эскимо пай» (эскимосский пирог)  
манаш тўналыныт.



## Чолга да ўшанле

Йолташ ўдыремын лўмжō – Василиса. Ме ик классыште тунемына, яра жапнам иквереш эртарена. Икте-васылан пōлекым ыштена, чон почын мутланена. Василисан кумылжо вола гын, мый шўм-кылжым луштараш тыршем. Йолташемлан иктаж-мо дене полшен кертам гын, шкежат чот йывырте-тем. Мый йолташем дене кугешнем. Тудо чолга да ўшанле. Йоча-влак, йолташда уло гын, аралыза.



Сўретым чиялтыза.

Йолташетым ондалет гын, шке ондалалтат.

Калыкмут.

Валерия

**МАКСЮТОВА.** Йораты-  
Волжский, ме ковайна,  
Карай. эртыше шочмо

кечет дене саламлена. Ме ты-  
йым моткоч йорате-  
на, пагалена, чама-  
нена. Кужу ўмырым,  
пенгыде тазалы-  
кым, вуй ўмбалнет  
яндар кавам тыланена! Кертмына семын  
тыланет полшаш тўналына.

Костя ШЕХУРДИН.

Шернур, Кукнур.



Фотом ещ архив гыч налме.

### Синквейн

Йолташ  
Шергакан, лишыл.  
Пагала, вянда, полша.  
Нигунам огеш кудалте.  
Энертыш.  
Ксения **ТОПОРОВА.**  
Волжский, Сотнур.




Миклай руш  
йылме дене мōнгысō  
пашам ышта.

– Ачай, «колоколь-  
чик» шомак кузе  
возалтеш?

– Кузе колат, тугак возо.  
– Йеш сай. Йугеже «динь-дон»  
манын возем.

### Электротулым аныклыза



Холодильник  
тулым эн шуко  
«кочкеш». Тушто  
кочкыш тич!



### Анаграмме

Велосипед дене кылдалт-  
ше глагол-влакым палыза:

1. улШ+ышташ+к=?
2. лышташ+уда+К=?
3. Тышан+тук=?
4. ыраш+ўП+т=?

«Русская словесность»  
кружокын енже-влак.  
Волжский, Сотнур.



«Ямде лий» йоча газет  
Тўн редактор  
Л.Н.ГРИГОРЬЕВА.  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://ok.ru/yamdellii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: ямделий.рф

**УЧРЕДИТЕЛЬ-ВЛАК:** Мари-  
Эл Республикысе  
культура, печать да калык-  
влакын пашашт шотышто  
министерстве, «Ямде лий»  
газет редакций.

Газетым редакцийыште погы-  
мо да верстатлыме, «Марий Эл  
Республикысе Правительствын типографийже» ООО-што  
ямде оригинал-макет гыч савыктыме. Типографийын  
адресше: 424000, Йошкар-Ола, Комсомольский урем, 112.

Газетым Массовый коммуникаций  
сферыште да культур наследийым  
аралымаште законодательствым шук-  
тен шогымым эскерыше Федеральный  
службын Приволжский федеральный  
округысо управленийыштыже реги-  
стрированылыме.  
Номер – ПИ №ФС 18-1999,  
2005 ий 10 февральыште пуымо.

0+

Печатьыш пуымо жап –  
14-00,  
фактически – 13-00

Авторын да редакцийын шоньма-  
шышт тўрлō лийын кертыт. Серыш-  
влак мōнгуш огыт колталт.  
Ак – кутырен келшыме почеш.

Редакцийын да издательын адресше:  
424006, Йошкар-Ола, СССР Вооруженный  
Вийын 70-ше идалыкше урем, 20-шо пōрт.  
Тел. 8(8362) 45-22-82(факс)

Кенже чияже



Сева НИКИТИН.  
Кужәнер, Шүдымарий.



Юля ИВАНОВА.  
Морко, Кугу Шале.




Марат ПЕТРОВ.  
Татарстан, Агрыз, Буймо.

Конкурс







Сүретыште мынар мераным ужда?



Могой цифр-влак  
огыт сите?



Сүретлаште мо уто? Палыза.



Кіжнө ушо сүрет-влакым  
ончен, чын чиялтыза.



Рушла гыч  
марлашке  
кусарыза.

Кроссворд

3.Алфавит. 4.Музей. 6.Корень. 7.Культура.  
8.Морфология. 11.Четверг. 12.Столица. 13.Запад.  
14.Закон.

Күшыч ұлыкө:

1.Знак. 2.Море. 5.Предложение. 9.Родник.  
10.Спряжение.

Н.Д.ИЛЬИНА, туныктышо.

Волжский, Карай.

Интернетысе сүрет-влакым кучылтмо.